

Broj: 02D-137-10/23

Datum: 06.03.2023. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, na Preporuku Komisije za nabavku broj: 02D-137-8/23 od 28.02.2023. godine, u postupku javne nabavke – **Potrošni materijal za injektor i kontrastno sredstvo**, direktor Javne ustanove Opća bolnica „Prim.dr.Abdulah Nakaš“, je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 02D-137-8/23 od 28.02.2023. godine i Okvirni sporazum za javnu nabavku - **Potrošni materijal za injektor i kontrastno sredstvo** dodjeljuje se ponuđačima po lotovima kako slijedi:

1. **LOT 1 – Šprice i sistem cijevi**, dodjeljuje se ponuđaču **BERG d.o.o. Sarajevo**, ponuda broj **P-PON-23-0033** dostavljena dana **21.02.2023. godine**, sa konačnom cijenom ponude u iznosu od **27.000,00 KM** bez uračunatog PDV-a, odnosno **31.590,00 KM** sa uračunatim PDV-om na godišnjem nivou, odnosno u iznosu od **54.000,00 KM** bez uračunatog PDV-a, odnosno **63.180,00 KM** sa uračunatim PDV-om na dvogodišnjem nivou kao najpovoljnijem ponuđaču.
2. **LOT 4 – Automatski sistem za biopsiju** dodjeljuje se ponuđaču **INTRADE PHARM d.o.o. Sarajevo**, ponuda broj **179/23**, dostavljena dana **21.02.2023. godine**, sa konačnom cijenom ponude u iznosu od **22.785,00 KM** bez uračunatog PDV-a, odnosno **26.658,45 KM** sa uračunatim PDV-om na godišnjem nivou, odnosno u iznosu od **45.570,00 KM** bez uračunatog PDV-a, odnosno **53.316,90 KM** sa uračunatim PDV-om na dvogodišnjem nivou kao najpovoljnijem ponuđaču.

Član 2.

Postupak iz člana 1. ove odluke proveden je metodom „otvoreni postupak“, te je nakon otvaranja ponuda trebala biti provedena „E-aukcija“ za sve lotove, a za izbor

najpovoljnijeg ponuđača korišten je kriterij „najniža cijena“. Ugovorni organ je u tenderskoj dokumentaciji predvidio provođenje E-aukcije.

Član 3.

U postupku nabavke iz člana 1. ove Odluke zaprimljene su kvalifikovane ponude ponuđača po lotovima kako slijedi:

LOT 1.

Nakon prijema i evaluacije ponuda konstatovano je da je ponudu za predmetnu nabavku za LOT 1 dostavio 1 (jedan) kvalifikovani ponuđač i to:

1. BERG d.o.o. Sarajevo sa konačnom cijenom ponude u iznosu od 27.000,00 KM bez uračunatog PDV-a na godišnjem nivou, odnosno u iznosu od 54.000,00 KM bez uračunatog PDV-a na dvogodišnjem nivou;

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne ili nijedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

LOT 4.

Nakon prijema i evaluacije ponuda konstatovano je da je ponudu za predmetnu nabavku za LOT 4 dostavio 1 (jedan) kvalifikovani ponuđač i to:

1. INTRADE PHARM d.o.o. Sarajevo sa konačnom cijenom ponude u iznosu od 22.785,00 KM bez uračunatog PDV-a na godišnjem nivou, odnosno u iznosu od 45.570,00 KM bez uračunatog PDV-a na dvogodišnjem nivou;

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne ili nijedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

U postupku iz člana 1. ove Odluke zaprimljene su 2 (dvije) nekvalifikovane ponude ponuđača i to:

1. STEPMED d.o.o. Banja Luka za LOT 1
2. SHIMADZU d.o.o. Sarajevo za LOT 2, LOT 3, LOT 4, LOT 5 i LOT 6

Član 4.

Izabrani ponuđači (BERG d.o.o. Sarajevo i INTRADE PHARM d.o.o. Sarajevo) se oslobađaju obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama jer su iste dostavili uz ponudu.

Član 5.

Prijedlog ugovora o nabavci dostaviće se na potpis izabranim ponuđačima nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude

Član 6.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 71. stav. 2. Zakona o javnim nabavkama.

Član 7.

Ova Odluka stupa na snagu danom donošenja, i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **16-12256-1/22 od 19.12.2022. godine.**

Javna nabavka je sprovedena putem **otvorenog postupka.**

Procijenjena vrijednost javne nabavke bez PDV-a je **90.000,00 KM na godišnjem nivou odnosno 180.000,00 KM na dvogodišnjem nivou, odnosno po lotovima kako slijedi:**

- 1. LOT 1 – Šprice i sistem cijevi – 27.000,00 KM na godišnjem nivou, odnosno 54.000,00 KM na dvogodišnjem nivou**
- 2. LOT 2 – Pištolj za biopsiju – 2.980,00 KM na godišnjem nivou, odnosno 5.960,00 KM na dvogodišnjem nivou**
- 3. LOT 3 – Igle za biopsiju – 19.800,00 KM na godišnjem nivou, odnosno 39.600,00 KM na dvogodišnjem nivou**
- 4. LOT 4 – Automatski sistem za biopsiju – 22.810,00 KM na godišnjem nivou, odnosno 45.620,00 KM na dvogodišnjem nivou**
- 5. LOT 5 – Aspiracijske igle (Chiba) – 11.210,00 KM na godišnjem nivou, odnosno 22.420,00 KM na dvogodišnjem nivou**
- 6. LOT 6 – Poluautomatske igle – 6.200,00 KM na godišnjem nivou, odnosno 12.400,00 KM na dvogodišnjem nivou**

Obavještenje o nabavci broj: **1125-1-1-19-3-13/23**, poslato je na objavljivanje dana **19.01.2023.godine**, objavljeno je na Portalu javnih nabavki dana **19.01.2023. godine** i u „Službenom glasniku BiH“ broj 6/23 od **27.01.2023. godine**.

Ispravka Obavještenja o nabavci broj: **1125-1-1-19-8-29/23**, poslata je na objavljivanje dana **15.02.2023.godine**, objavljena je na Portalu javnih nabavki dana **15.02.2023. godine** i u „Službenom glasniku BiH“ broj 11/23 od **17.02.2023. godine**.

Komisija za nabavku, imenovana je Rješenjem broj: **16-12256-2/23 od 19.12.2022. godine**.

Komisija za javnu nabavku dostavila je direktoru Javne ustanove Opća bolnica „Prim.dr.Abdulah Nakaš“ Zapisnik o pregledu i ocjeni ponuda broj: **02D-137-7/23 od 28.02.2023. godine**, Preporuku o izboru najpovoljnijeg ponuđača broj: **02D-137-8/23 od 28.02.2023. godine** i Izvještaj o radu broj: **02D-137-9/23 od 28.02.2023. godine**, u postupku javne nabavke – **Potrošni materijal za injektor i kontrastno sredstvo**.

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 ponude,
- da si blagovremeno primljene 4 ponude,
- da nije bilo neblagovremeno primljenih ponuda,

- da je ponuda ponuđača **BERG d.o.o. Sarajevo**, kvalifikovana i prihvatljiva za lot 1 da su dostavljeni svi traženi dokazi propisani tenderskom dokumentacijom, na propisan način,

- da je ponuda ponuđača **INTRADE PHARM d.o.o. Sarajevo**, kvalifikovana i prihvatljiva za lot 4 da su dostavljeni svi traženi dokazi propisani tenderskom dokumentacijom, na propisan način,

- da se odbacuje ponuda ponuđača **STEPMED d.o.o. Banja Luka za LOT 1** iz sljedećeg razloga:

U Obrascu za cijenu ponude Aneks 2 – LOT 1 - ugovorni organ je tražio: Set odobren za upotrebu kod više pacijenata kompatibilan sa injektorom Medrad Stellant, odobrenog trajanja korištenja od 12 sati i sa potvrdom proizvođača o kompatibilnosti. Set sadrži: dva transfer seta dužine 115 cm sa dvije povratne valvule; dvije šprice kapaciteta 200ml; set cijevi odobren za upotrebu za više pacijenata sa sistemom zaštite od namjerne kontaminacije; jedna kartica predviđena za unos početka vremena korištenja kompleta

Prilikom pregleda dostavljene ponude, krajnji korisnik je konstatovao sljedeće: Ponuđač STEPMED d.o.o. Banja Luka je dostavio Potvrdu o upisu medicinskog sredstva u Registar medicinskih sredstava BiH kod ALMSBiH u kojoj je na strani 36. svoje ponude stavka 1. i na strani koja nije numerisana a nalazi se između 39. i 40. strane, stavka 2 navedeno da se nudi cijev za povezivanje pod pritiskom u kombinaciji sa špricom visokog pritiska za povezivanje komponenti tokom ubrizgavanja pod pritiskom. Kod obje stavke je isti opis samo je različit kataloški broj. Kod oblika i pakovanja navedenog u Potvrdi kod obje stavke u potvrdi je navedena dužina 260 cm, 2,1 (300) (Mpa (psi)). Ponuđač je na strani 51. svoje ponude dostavio Izvod iz kataloga za ponuđene stavke u kome je navedeno da je pritisak 350 psi za obje stavke. Kataloški brojevi su isti, ali se jačina pritiska ne podudara tj. jačina pritiska se razlikuje u potvrdi i u izvodu iz kataloga.

Ponuda ne ispunjava uslove iz tenderske dokumentacije.

U Odjeljku c) PODACI O PONUDI – Način izrade ponude – na strani 16. tenderske dokumentacije navedeno je sljedeće: Ponuda se čvrsto uvezuje na način da se onemogućiti naknadno vađenje ili umetanje listova. Ponuda mora biti čvrsto uvezana i sve strane ponude numerirane (izuzev dokaza o garanciji za ozbiljnost ponude, te štampane literature, brošura, kataloga i sl.).

Ponuđač STEPMED d.o.o. Banja Luka je u svojoj ponudi dostavio Potvrdu o upisu u Registar medicinskih sredstava BiH izdatu od strane Agencije za lijekove i medicinska sredstva BiH koja je obostrana, ali je numeracija jednostrana. Numeracija počinje na desnoj strani i to od broja 35 pa do broja 44. Lijeva strana Potvrde nije numerisana.

S tim u vezi, a imajući u vidu naprijed navedeno, odbacuje se ponuda ponuđača STEPMED d.o.o. Banja Luka kao neprihvatljiva u skladu sa članom 68. stav (4) tačka i) Zakona o javnim nabavkama ("Službeni glasnik BiH" broj 39/14) i u skladu sa članom 2. tačka (I) podtačka 2) Zakona o izmjenama i dopunama Zakona o javnim nabavkama ("Službeni glasnik BiH" broj 59/22)

- da se odbacuje ponuda ponuđača **SHIMADZU d.o.o. Sarajevo za LOT 2, LOT 3, LOT 4, LOT 5 i LOT 6** iz sljedećih razloga:

Ponuđač SHIMADZU d.o.o. Sarajevo je dostavio Obrazac za cijenu ponude – Aneks 2 na strani 12. svoje ponude za LOT 2, Obrazac za cijenu ponude – Aneks 2 na strani 48 i 49. svoje ponude za LOT 3, Obrazac za cijenu ponude – Aneks 2 na strani 54 i 55. svoje ponude za LOT 4, Obrazac za cijenu ponude – Aneks 2 na strani 60, 61 i 62. svoje ponude za LOT 5 i Obrazac za cijenu ponude – Aneks 2 na strani 67 i 68. svoje ponude za LOT 6 u kome je naveo cijene na dvogodišnjem nivou.

Ugovorni organ je u tenderskoj dokumentaciji u Odjeljku a) PODACI O PREDMETU JAVNE NABAVKE u tački 3) U slučaju nabavke roba, količinske specifikacije za robe, a u slučaju da je predviđeno zaključivanje okvirnog sporazuma količinske specifikacije definisane kao maksimalne količine, ukoliko je to moguće na strani 7. naveo sljedeće:

Količina predmeta nabavke iskazana u ovoj dokumentaciji je maksimalna količina predmeta nabavke je u Obrascu za cijenu ponude, koji je sastavni dio ove tenderske dokumentacije na godišnjem nivou i naznačena u Aneksu 2.

Pregledom Obrasca za ponudu – Aneks 1 na strani 4 do 9 ponude ponuđača i Nacrta Okvirnog sporazuma na strani 21 do 22 ponude ponuđača konstatuje se da je ponuđač na svim mjestima također upisao cijenu na dvogodišnjem nivou iako su u Obrascu za ponudu i u Nacrtu Okvirnog sporazuma posebno navedene cijene na godišnjem i cijene na dvogodišnjem nivou.

S tim u vezi, a imajući u vidu naprijed navedeno, odbacuje se ponuda ponuđača SHIMADZU d.o.o. Sarajevo kao neprihvatljiva u skladu sa članom 68. stav (4) tačka i) Zakona o javnim nabavkama ("Službeni glasnik BiH" broj 39/14) i u skladu sa članom 2. tačka (I) podtačka 2) Zakona o izmjenama i dopunama Zakona o javnim nabavkama ("Službeni glasnik BiH" broj 59/22)

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš" nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđači najbolje ocijenjeni zbog:

Najniže cijene kako slijedi:

| Redni broj | Naziv lota | Naziv/ime ponuđača | Ukupna cijena ponude bez PDV-a na godišnjem nivou i na dvogodišnjem nivou |
|------------|----------------------------------------------|--------------------------------------|-----------------------------------------------------------------------------------|
| 1. | LOT 1 – Šprice i sistem cijevi | BERG d.o.o. Sarajevo | 27.000,00 KM na godišnjem nivou odnosno 54.000,00 KM na dvogodišnjem nivou |
| 2. | LOT 4 – Automatski sistem za biopsiju | INTRADE PHARM d.o.o. Sarajevo | 22.785,00 KM na godišnjem nivou odnosno 45.570,00 KM na dvogodišnjem nivou |

Izabrani ponuđači su izabrani primjenjujući kriterij najniža cijena.

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim.dr.Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:


Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava
Šef Odsjeka za javne nabavke

Amira Petrović



DIREKTOR

Prof. dr. Ismet Gavrankapetanović

I. Gavrankapetanović

Dostaviti:

- Ponuđaču: **BERG d.o.o. Sarajevo**
- Ponuđaču: **STEPMED d.o.o. Banja Luka**
- Ponuđaču: **INTRADE PHARM d.o.o. Sarajevo**
- Ponuđaču: **SHIMADZU d.o.o. Sarajevo**
- Bolnička apoteka
- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke